

TANGAZO LA SERIKALI NA. 601 la tarehe 25/12/2015

SHERIA YA FEDHA ZA SERIKALI ZA MITAA

(SURA YA 287)

SHERIA NDOGO

(Zimetungwa chini ya kifungu cha 153).

SHERIA NDOGO ZA (UVUNAJI WA MAJI YA MVUA) ZA HALMASHAURI YA WILAYA YA MBOGWE, 2015.

- | | | |
|-----------------------------------|----|---|
| Jina na tarehe ya kuanza kutumika | 1. | Sheria Ndogo hizi zitajulikana kama Sheria Ndogo za (uvunaji wa maji ya mvua) za Halmashauri ya Wilaya ya Mbogwe, 2015 na zitaanza kutumika mara baada ya kutangazwa katika Gazeti la Serikali. |
| Eneo la kutumika | 2. | Sheria ndogo hizi zitatumika katika eneo lote lililo chini ya Mamlaka ya Halmashauri ya Wilaya ya Mbogwe |
| Fasili. | 3. | <p>Katika Sheria ndogo hizi, isipokuwa pale itakapoelezwa au kufafanuliwa vinginevyo na Sheria yoyote andishi,</p> <p>‘Afisa Mwidhinishwa’ maana yake ni mtumishi yeyote wa Halmashauri au mtu yeyote mwingine atakayeteuliwa na Halmashauri kusimamia utekelezaji wa Sheria Ndogo hizi;</p> <p>‘Afisa Mtendaji wa kijiji’ maana yake ni Mtumishi wa Umma ambaye ndiye Msimamizi Mkuu wa utoaji wa huduma za umma ndani ya kijiji katika Halmashauri ya wilaya ya Mbogwe;</p> <p>‘Afisa Mtendaji wa Kata’ maana yake ni Mtumishi wa Umma ambaye ndiye Msimamizi Mkuu wa utoaji wa huduma za umma ndani Kata katika Halmashauri ya wilaya ya Mbogwe;</p> |

Sheria Ndogo za (Uvunaji wa Maji ya Mvua) za Halmashauri ya Wilaya ya Mbogwe

Tangazo la Serikali Na. 601 (linaendelea)

‘Halmashauri’ maana yake Halmashauri ya Wilaya ya

Mbogwe;

‘Mkurugenzi’ maana yake Mkurugenzi wa Halmashauri ya Wilaya ya Mbogwe au Afisa yeyote atakayeteuliwa kwa wakati huo kukaimu nafasi ya Mkurugenzi.

‘kibali’ maana yake ni kukubalika kufanya au kutekeleza jambo Fulani baada ya kuwa na sifa fulani;

‘mvua’ maana yake ni maji yaangukayo kama matone kutoka kwenye anga la dunia;

‘Ramani’ maana yake ni mchoro unaoonesha jengo linalotarajiwa kujengwa.

Uvunaji wa maji ya mvua

4.

Maji ya mvua yataunywa kutoka kwenye mapaa ya nyumba za mabati au mapaa mengineyo ili mradi maji hayo yawe safi, salama na yanafaa kwa matumizi ya binadamu.

Wajibu wa wamiliki wa taasisi na majengo.

5.

(1) Majengo yote ya taasisi za serikali na zisizo za serikali ni lazima yawe yametengenezewa miundo mbinu ya kuvuna maji ya mvua;

(2) Majengo ya watu binafsi yaliyokwisha jengwa na kupauliwa kwa mabati au mapaa mengineyo ni lazima yawekewe miundombinu ya kuvuna maji ya mvua.

Wajibu wa Halmashauri

6.

Halmashauri itahakikisha haitoi kibali cha ujenzi wa kujenga jengo kwa mtu yeyote ambaye ramani yake haikuwekewa miundombinu ya kuvuna maji ya mvua.

Wajibu wa watendaji wa vijiji na Kata

7.

Maafisa watendaji wa Kata na Vijiji watakuwa na wajibu wa kuhakikisha kila jengo la mtu au taasisi ya serikali au isiyo ya serikali inakuwa au inajengwa na kuwekwa miundombinu ya kuvuna maji ya mvua.

Wajibu wa

Sheria Ndogo za (Uvunaji wa Maji ya Mvua) za Halmashauri ya Wilaya ya Mbogwe

Tangazo la Serikali Na. 601 (linaendelea)

- | | | |
|--------------------------|----|---|
| Afisa
mwidhi-
niwa | 8. | Afisa muidhinishwa atakuwa na wajibu wa kufuatilia taarifa kutoka kwa Watendaji wa kata na Vijiji kuhusu nyumba zilizojengwa na zinazojengwa ili pamoja na ujenzi huo ziwe na miundombinu ya kuvuna maji ya mvua. |
| kosa | 9. | (1) Itakuwa ni kosa kwa mtu yeyote au taasisi ya serikali au isiyo ya serikali kujenga jengo bila kuweka miundombinu ya kisasa ya kuvuna maji ya mvua. |
| Adhabu | 10 | (1) Mtu yeyote ambaye atakwenda kinyume na masharti ya Sheria Ndogo hizi atakuwa ametenda kosa na akipatikana na hatia atalipa faini isiyopungua elfu hamsini (50,000/=) na isiyozidi laki tatu (300,000/=) au kifungo kisichozidi miezi kumi na miwili (12) au vyote viwili kwa pamoja yaani faini na kifungo.

(2) Pamoja na adhabu iliyotajwa kwenye kifungu cha 10(1) hapo juu, mmiliki wa jengo atatakiwa kuweka miundombinu ya kuvuna maji ya mvua mara moja. |

Sheria Ndogo za (Uvunaji wa Maji ya Mvua) za Halmashauri ya Wilaya ya Mbogwe

Tangazo la Serikali Na. 601 (linaendelea)

Nembo ya Halmashauri imewekwa katika Sheria Ndogo hizi kwa kuzingatia Azimio lililopitishwa kwenye mkutano wa Halmashauri uliofanyika tarehe 04 mwezi 08 mwaka 2014, Mbele ya:

ABDALLAH IDD MFAUME,
Mkurugenzi
Halmashauri ya Wilaya ya Mbogwe.

VINCENT BENEDICTO BUSIGA,
Mwenyekiti
Halmashauri ya Wilaya ya Mbogwe

NAKUBALI,

Dodoma,
03 November, 2015

MHE. MIZENGO P. PINDA (MB.)
Waziri Mkuu